



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-3614/08
Sarajevo, 24.2.2009. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 24.02.2009			
Organizaciona jedinica	Klasifikaciona oznaka	Redni broj	Broj priloga
01-50-1-15-41/09			

PARLAMENTARNA SKUPŠTINA
BOSNE I HERCEGOVINE

- Zastupnički dom -


SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 77. sjednici održanoj 19.2.2009. godine, utvrdilo je Odgovor na zastupničko pitanje koje je Adem Huskić, zastupnik u Zastupničkom domu Parlamentarne skupštine Bosne i Hercegovine, postavio na 41. sjednici ovog doma održanoj 3.12.2008. godine.

U prilogu dostavljamo Odgovor uz molbu da isti uručite zastupniku.

S poštovanjem,



GENERALNI TAJNIK
Zvonimir Kutleša



**BOSNA I HERCEGOVINA
VIJEĆE MINISTARA**

Broj: 06-50-3614/2008
Sarajevo, 19.02.2009. godine

Adem Huskić, poslanik u Predstavničkom domu Parlamentarne skupštine Bosne i Hercegovine, na 41. sjednici Predstavničkog doma održanoj 03. decembra 2008. godine, postavio je poslaničko pitanje koje glasi:

“Koliko ukupno, po pojedinim ministarstvima u Vijeću ministara, lica radi po Ugovoru o djelu i koji su razlozi za ovakvu praksu?”.

Na postavljeno poslaničko pitanje Vijeće ministara Bosne i Hercegovine, u smislu člana 37. Zakona o Vijeću ministara Bosne i Hercegovine (“Službeni glasnik BiH”, br. 30/03, 42/03, 81/06, 76/07, 81/07, 94/07 i 24/08), na 77. sjednici održanoj 19.02.2009. godine, utvrdilo je sljedeći

ODGOVOR

Odgovor na poslaničko pitanje Adema Huskića sadržan je u tabelarnom pregledu ukupnog broja lica angažovanih po osnovu ugovora o djelu za svako ministarstvo u Vijeću ministara Bosne i Hercegovine pojedinačno. Ministarstva su poredana prema redoslijedu dostavljanja podataka potrebnih za sačinjavanje ovog Odgovora.

Redni broj	NAZIV MINISTARSTVA	Broj lica angažovanih po osnovu ugovora o djelu
1.	Ministarstvo vanjske trgovine i ekonomskih odnosa	2
2.	Ministarstvo civilnih poslova	10
3.	Ministarstvo odbrane	12
4.	Ministarstvo pravde	23
5.	Ministarstvo sigurnosti	20
6.	Ministarstvo komunikacija i prometa	8
7.	Ministarstvo finansija i trezora	4
8.	Ministarstvo vanjskih poslova	33 (MVP u sjedištu) 101 (DKP)
9.	Ministarstvo za ljudska prava i izbjeglice	27
UKUPNO		240

Razlozi za angažovanje lica po osnovu ugovora o djelu sadržani su u aktima ministarstava koji su sastavni dio ovog Odgovora.



BOSNIA AND HERZEGOVINA
MINISTRY OF FOREIGN TRADE AND
ECONOMIC RELATIONS

Broj: 07-2-50-11934-1/08
Sarajevo, 24.12.2008. godine

VIJEĆE MINISTARA BIH
GENERALNI SEKRETARIJAT

Predmet: Dostava traženih podataka
Veza: vaš akt broj: 06-50-3614/2008 od 22.12.2008. godine

U vezi sa vašim aktom broj gornji obavještavamo vas da su u Ministarstvu vanjske trgovine i ekonomskih odnosa po osnovu ugovora o djelu angažovane dvije osobe iz razloga što navedena radna mjesta nisu sistematizovana Pravilnikom o unutrašnjoj organizaciji, a postoji potreba za obavljanjem poslova predmetnih radnih mjesta, a što će se regulisati usvajanjem prečišćenog teksta Pravilnika o unutrašnjoj organizaciji i izmjena i dopuna istog.
Pored navedenog, a prema iskazanoj potrebi za povremenim obavljanjem prevodilačkih poslova, po osnovu ugovora o djelu angažuju se i odgovarajuće osobe koje posjeduju potrebna znanja stranih jezika.

S poštovanjem,

Dostavljeno:
-naslovu
-a/a



MINISTAR

Mladen Zirojević



Ministry of Civil Affairs

Broj: 05-07-5-5867 IV/08
Sarajevo, 26.12.2008. godine



BOSNA I HERCEGOVINA
VIJEĆE MINISTARA
SARAJEVO

PRIMLJENO: 29-12-2008			
Organizaciona jedinica	Klasifikaciona oznaka	Redni broj	Broj priloga
06	50	3614-2	1

08. REG.AR.AR.08

BOSNA I HERCEGOVINA
VIJEĆE MINISTARA
Generalno tajništvo

PREDMET: Dostava podataka

U vezi vašeg akta broj: 06-50-3614/2008 od 22.12.2008. godine dostavljamo vam tabelu pregleda ugovora o djelu na dan 25.12.2008. godine koje je Ministarstvo civilnih poslova zaključilo sa izvršiocima.

Razlog za angažiranje izvršilaca po ugovoru o djelu sadržan je u potrebi realizacije plana rada Ministarstva, sporom provođenju konkursne procedure od strane Agencije za državnu službu kao i nadležnosti Ministarstva kako je propisano Zakonom.

Naglašavamo da je Ministarstvo civilnih poslova u tekućoj godini okončalo prijem 44 državna službenika i 5 zaposlenika. U postupku je priprema provođenja konkursne procedure za nepopunjena radna mjesta, čime bi se izbjeglo dalje angažiranje izvršilaca po ugovoru o djelu.

S poštovanjem,



Prilog: tabela

PODACI O UGOVORIMA O DJELU PO STANJU 25.12.2008. GODINE

Ugovori o djelu u Ministarstvu civilnih poslova BiH, zaključeni su za obavljanje:

a) Poslova sistematiziranih radnih mjesta državnih službenika (sa visokom stručnom spremom):

- jedna osoba na poslovima prevodioca za engleski jezik u Kabinetu ministra;
- jedna osoba na poslovima višeg stručnog saradnika za statistiku u Sektoru za obrazovanje;
- jedna osoba na poslovima višeg stručnog saradnika – koordinatora za CEEPUS u Sektoru za obrazovanje;
- jedna osoba na poslovima višeg stručnog saradnika za održavanje baza informacionog sistema u sportu u Odsjeku za razvoj i praćenje informacionog sistema u sportu Sektora za sport;
- jedna osoba na poslovima stručnog saradnika za sport u Odsjeku za međunarodnu saradnju i razvoj sporta Sektora za sport;

b) Poslova sistematiziranih radnih mjesta zaposlenika (sa srednjom stručnom spremom):

- jedna osoba na poslovima postavljanja i ažuriranja podataka na web stranici Ministarstva;
- jedna osoba na poslovima umnožavanja materijala u Pisarnici Sektora za pravne, kadrovske i opšte poslove;
- jedna osoba na poslovima zamjene referenta za administrativno-tehničke poslove koji je na porodiljskom odsustvu;

c) Nesistematiziranih poslova:

- jedna osoba imenovano odlukom Vjeća ministara Bosne i Hercegovine za državnog oficir za vezu sa Međunarodnom agencijom za atomsku energiju (IAEA);
- jedna osoba imenovano za eksperta – poslovi vezano za Evropski centra za moderne jezike (ECML) kao i pružanje stručne pomoći u poslovima reforme visokog obrazovanja.



Broj: 10-50-6920-N/08
Sarajevo, 25.12.2008. godine

VIJEĆE MINISTARA
GENERALNO TAJNIŠTVO



BOSNA I HERCEGOVINA
VIJEĆE MINISTARA
SARAJEVO

PRIMLJENO: 05-01-2009			
Organizaciona jedinica	Klasifikaciona oznaka	Redni broj	Broj priloga
06	50	3614-3	1.

12.12.2008.

PREDMET: Podatke o broju lica koja rade na osnovu ugovora o djelu, dostavlja.-


Veza: Vaš akt broj: 06-50-3614/08 od 22.12.2008. godine.

Povodom vašeg dopisa kojim tražite odgovor na poslaničko pitanje gospodina Adema Huskića, poslanika u Predstavničkom domu Parlamentarne skupštine Bosne i Hercegovine koje glasi: "Koliko ukupno, po pojedinim ministarstvima u Vijeću ministara, lica radi po Ugovoru o djelu i koji su razlozi za ovakvu praksu?". Izvještavamo vas da je nakon uvida u službenu evidenciju Ministarstva odbrane BiH utvrđeno da je na osnovu Ugovora o djelu angažovano 12 (dvanaest) lica. Razlozi za ovakvu praksu su potreba da se realizuju aktivnosti koje nije moguće realizovati u kontekstu ingerencija predviđenih Pravilnikom o unutrašnjoj organizaciji Ministarstva odbrane BiH, a izmjene i dopune istog su u proceduri.

S poštovanjem,

Dostaviti:

-naslovu
-a/a





Broj: 04-34-1-15344-1/08
Sarajevo, 26.12.2008. godine

**BOSNA I HERCEGOVINA
VIJEĆE MINISTARA
Generalno tajništvo**

PRIMLJENO: 05-01-2009			
Organizaciona jedinica	Klasifikaciona oznaka	Redni broj	Broj prijega
06	50	3614-4	7.

12.12.2008.

PREDMET: Dostava podataka na poslaničko pitanje - dostavlja se

Veza predmeta Vaš broj :06-50-3614/08 od 22.12.2008 godine.

Postupajući po Vašem dopisu u vezi dostave podataka na poslaničko pitanje koje glasi :
„Koliko ukupno ,po pojedinim ministarstvima u Vijeću ministara, lica radi po Ugovoru o djelu i koji su razlozi za ovakvu praksu ?“,dostavljamo Vam tražene podatke.

Ministarstvo pravde Bosne i Hercegovine po Ugovoru o djelu je angažovalo 23 lica .

Razlozi za angažovanje lica su različiti i razlikuju se od vrste ugovorenog posla i djela koje je izvršilac obavezan izvršiti.

Ugovori su potpisani za slijedeće poslove :

- **Tim za praćenje i ocjenu primjene krivičnih zakona, 15 izvršilaca .**

Eksperti krivičnog prava iz čitave Bosne i Hercegovine (profesori krivičnog odnosno krivičnoprocesnog prava iz Banja Luke i Sarajeva, sudije Suda Bosne i Hercegovine i entitetskih sudova, tužioci iz Tužilaštva Bosne i Hercegovine i entitetskih tužilaštava, predstavnici advokatskih komora entiteta) od 2003. godine rade na izmjeni krivičnog zakonodavstva i njegovom usaglašavanju sa zakonodavstvom Europske Unije. Kao rezultat tog rada do sada je doneseno više zakona iz krivičnopravne oblasti (Zakon o krivičnom postupku Bosne i Hercegovine, Krivični zakon Bosne i Hercegovine, a u toku je usvajanja Zakona o maloljetnim učiniocima krivičnih djela).

- **Izrada Prijedloga zakona o obligacionim odnosima, 2 izvršioca.**

Dva eksperta, profesori obligacionog prava na pravnim fakultetima u Sarajevu i Banja Luci od oktobra mjeseca 2008. godine rade na definitivnom usaglašavanju Zakona o obligacionim odnosima Bosne i Hercegovine. Zakon ima oko 15000 članova i ranije je dugo rađen sa stranim ekspertima u ovoj oblasti i koji predstavlja jedan od uvjeta za ulazak Bosne i Hercegovine u Evropsku Uniju.

- Informatički poslovi u Registru zaloga, 1 izvršilac.

Ministarstvo pravde BiH je nadležno za vođenje baze podataka Registra zaloga. Zbog odlaska državnog službenika koji je obavljao poslove održavanja baze podataka, potrebno je bilo angažirati stručnjaka za održavanje servera i primjenu sigurnosnog sistema.

- Izrada horskih kompozicija za tekst himne Bosne i Hercegovine, 1 izvršilac

Ministarstvo pravde Bosne i Hercegovine je u skladu sa zaključkom Vijeća ministara BiH dužno provesti proceduru natječaja za izbor teksta himne Bosne i Hercegovine. Komisija za izbor teksta himne je od ukupno 350 prijavljenih tekstova izabrala dva teksta koja su ušla u najuži izbor. Zbog toga je bilo potrebno angažovati muzičkog eksperta koji će uraditi aranžman za dvije horske kompozicije i sa 12 članova hora uvježbati, izvesti i snimiti obe horske kompozicije.

- Pružanje ljekarskih usluga u Pritvorske jedinice Bosne i Hercegovine, 1 izvršilac

Izvršilac ovoga Ugovora obavezan je voditi brigu o zdravstvenom stanju pritvorenika u Pritvorskoj jedinici Bosne i Hercegovine, što podrazumijeva obavljanje pregleda i utvrđivanje zdravstvenog stanja pritvorenika. Za obavljanje poslova ljekara u Pritvorskoj jedinici Suda BiH raspisivan je dva puta Javni oglas, ali na koji se nisu prijavili kandidati. Pritvorska jedinica mora imati ljekara koji će se starati o zdravlju pritvorenika pa će biti i ubuduće potrebno angažirati ljekara, do prijema ljekara u stalni radni odnos.

- Usluge održavanja čistoće, 2 izvršioca .

Izvršioci ovoga Ugovora su obavezni vršiti održavanje čistoće za potrebe Sudske policije Bosne i Hercegovine i Pritvorske jedinice Bosne i Hercegovine. Razlog angažovanja ovih lica je taj što Zajedničke službe institucija Bosne i Hercegovine ne pružaju usluge u ovim prostorijama, a u toku je postupak preuzimanja ovih poslova od strane navedene službe.

- Usluge kopiranja – umnožavanja i distribucija materijala, 1 izvršilac.

Izvršilac ovoga Ugovora obavezan je vršiti usluge kopiranja, umnožavanja i distribuciju umnoženog materijala za potrebe organizacionih cjelina kao i održavanje kopir aparata za potrebe Ministarstva pravde Bosne i Hercegovine. Pravilnikom o unutrašnjoj organizaciji i sistematizaciji radnih mjesta nije predviđeno ovo radno mjesto. Preseljenjem organizacionih jedinica u novu zgradu i na jednom mjestu i povećanjem obima posla pojavila se potreba za ovom vrsta usluga.

S poštovanjem,



Dostavljeno:

- Naslovu
- a/a



Broj :04-34-1-5441-1/08
Datum 31.12.2008.godine



BOSNA I HERCEGOVINA
VIJEĆE MINISTARA
SARAJEVO

PRIMLJENO: 07-01-2008			
Organizacioni jedinic	Klasifikaciona oznaka	Radni broj	Broj priloga
05	50	3614-5	/

08. 12. 2008.

**BOSNA I HERCEGOVINA
VIJEĆE MINISTARA
GENERALNO TAJNIŠTVO**

Predmet: Podaci o angažovanim osobama po osnovu Ugovora o djelu, dostavljaju se,-

Veza: Vaš akt broj:06-50-3614/2008 od 22.12.2008. godine

Na 41. sjednici Predstavničkog doma održanoj 03.12.2008. godine poslanik u Predstavničkom domu Parlamentarne Skupštine Bosne i Hercegovine Adem Huskić postavio je pitanje o broju angažovanih osoba po osnovu Ugovora o djelu. S tim u vezi dostavljamo podatke kako slijedi:

u Ministarstvu sigurnosti BiH trenutno je po osnovu Ugovora o djelu angažovano 20 osoba.

Razlozi za zaključivanje ovakvih ugovora su sljedeći:

- spore konkursne procedure;
- neophodno i kratkim rokovima uslovljeno obavljanje poslova i zadataka shodno obavezama Ministarstva koje su rezultat međunarodnih inicijativa na putu BiH u EU i NATO;
- nemogućnost angažmana deficitarnih kadrova kroz redovne zakonske procedure, u kratkom vremenu;
- nepopunjenost radnih mjesta u skladu sa Pravilnikom o unutrašnjoj organizaciji.

Naime, u cilju jasnog i sistematičnog pregleda činjeničnog stanja u konkretnoj oblasti, u nastavku teksta ukazujemo na razloge koji su bili mjerodavni u svakom pojedinačnom slučaju zaključivanja ugovora o djelu između ovog ministarstva i pojedinca, kao ugovornih strana, i to:

U Uredu za saradnju sa INTERPOL-om kao samostalnoj službi u okviru Ministarstva sigurnosti, zaključena su tri ugovora o djelu i to za slijedeće pozicije:

1. IT – menadžer informatičar;
2. Inspektor – Državne tačke I kontakta BiH (NFP BiH);
3. Inspektor za privredni kriminal.

Preuzimanjem Ureda za saradnju sa INTRPOL-om u Ministarstvo sigurnosti, 01.01.2004. godine iz Ministarstva za civilne poslove i komunikacije, preuzeti su, između ostalog i kadrovi koji su bili u radnom odnosu u Uredu za saradnju sa INTERPOL-om u vrijeme preuzimanja istog od strane ovog ministarstva. Nakon preuzimanja, Ured za saradnju sa INTERPOL-om je 18.03. 2004.godine donio Pravilnik o unutrašnjoj organizaciji, koji je

usvojen od strane Vijeća ministara. Međutim, Prijedlog izmjena i dopuna Pravilnika o unutrašnjoj organizaciji INTERPOL-a koji je 24.06. 2006.godine prosljeđen u proceduru usvajanja, a koji je sadržavao izmjene i dopune u segmentu poboljšanja operativnosti i funkcionalnosti rada, nije usvojen ni do danas, iz razloga koje su u to vrijeme predočeni od strane Agencije za državnu službu, i koji su predstavljali smetnju za usvajanje.

Naprijed navedene pozicije na kojima su angažovani izvršioci po osnovu ugovora o djelu su vrlo specifične i odgovorne pozicije, radi se o vrlo deficitarnim kadrovima, te je popunjavanje konkretnih pozicija putem ugovora o djelu uslijedilo kao produkt navedenih uslovljavajućih faktora.

U Sektoru za informatiku i telekomunikacione sisteme, su putem ugovora o djelu angažovana tri izvršica, takođe zbog specifičnosti pozicija, obzirom da je u pitanju održavanje TETRA I SPIN sistema (radi se o skorijem projektu ovog ministarstva) , kao i održavanja baza podataka u Banjoj Luci od strane ovlaštenih pripadnika Ministarstva unutrašnjih poslova Republike Srpske . Takođe, u Sektoru za informatiku i telekomunikacione sisteme, je angažovano lice, kao stručni konsultant koji svoje usluge iz oblasti kojom se bavi i zbog svoje izuzetne stručnosti i kvalifikovanosti obavlja povremeno, odnosno u zavisnosti od potreba ministarstva za njegovim angažmanom.

Zbog potreba Ureda Držanog koordinatora, a u cilju funkcionalnog i efikasnog rada Ureda, angažovana su tri izvršioca, uz napomenu da se jedan od njih finansira iz programa „Regionalni program suzbijanja trgovine djecom u BiH“. Napominjemo da je Ured Državnog koordinatora osnovan pri Vijeću ministara, a za administrativno – tehničku i logističku podršku zaduženo je ovo ministarstvo, pri čemu ističemo da u skladu sa postojećim Pravilnikom o unutrašnjoj organizaciji Ministarstva sigurnosti, nisu predviđene konkretne pozicije, a što se uzelo u obzir prilikom izrade novog Pravilnika o unutrašnjoj organizaciji ovog ministarstva, koji je u zakonskoj proceduri.

Preostalih deset ugovora o djelu koje je ovo ministarstvo zaključilo sa konkretnim izvršiocima se odnosi na potrebe Azilantskog centra za čije je funkcionisanje nadležan Sektor za azil Ministarstva sigurnosti, pri čemu se naknade za osam izvršioca, podsredstvom ovog ministarstva, plaćaju iz sredstava UNHCR-a.

Imajući u vidu naprijed izloženo, jasno proizilazi da se u svakom konkretnom slučaju zaključenog ugovora o djelu između Ministarstva i izvršioca, radi o svojevrsnim specifičnostima vezanim za svaku pojedinačnu poziciju, kao i za konkretne stručne i profesionalne sposobnosti i kompetencije koje treba da posjeduje angažovani izvršioci.

Intencija Ministarstva je svakako usmjerena u pravcu smanjenja broja postojećih ugovora, na način da se pronađe kvalitetnija pravna forma za istovremeno postizanje funkcionalnosti u radu Ministarstva i zadovoljavanja potreba, shodno nastalim međunarodnim inicijativama na putu Bosne i Hercegovine u Evropsku Uniju i NATO SAVEZ.

S poštovanjem,



Dostavljeno:

-naslovu

-a/a



BOSNIA AND HERZEGOVINA
MINISTRY OF COMMUNICATIONS AND TRANSPORT

Broj: 01-07-6-4503-1/08.
Sarajevo, 16.01.2009. godine



BOSNA I HERCEGOVINA
VIJEĆE MINISTARA
SARAJEVO

PRIMLJENO: 19-01-2009			
Organizaciona jedinica	Klasifikaciona oznaka	Redni broj	Broj priloga
06	50	3614-6	2

BOSNA I HERCEGOVINA
VIJEĆE MINISTARA
Generalni sekretarijat

RF, 12.12.2008.

Predmet: Dostava podataka,
Veza: vaš akt broj 06-50-3614/2008 od 22.12.2008.godine

U Ministarstvu komunikacija i prometa (u daljem tekstu: Ministarstvo) trenutno je angažovano osam poslenika po osnovu ugovora o djelu, zaključno sa 31.12.2008. godine. Pravni temelj angažovanja lica po osnovu ugovora o djelu je član 600. Zakona o obligacionim odnosima (u daljem tekstu: Zakon).

Ministarstvo u skladu sa članom 600. Zakona u svojstvu Naručioca posla angažuje određeno lice u svojstvu Poslenika koji se obavezuje da za Naručioca posla obavi određeni posao, kao što je izvršenje nekog intelektualnog rada (npr. poslovi prevođenja, poslovi izrade tenderske dokumentacije itd.).

S poštovanjem,



MINISTAR

dr. Božo Ljubić


Dostaviti:

- Generalni sekretarijat VM BiH,
- a/a



BOSNIA AND HERZEGOVINA
MINISTRY OF FINANCE
AND TREASURY

Broj:03-50-5860-1/08
Sarajevo, 20.1.2009.god.

 BOSNA I HERCEGOVINA
VIJEĆE MINISTARA
SARAJEVO

PRIMLJENO: 19-01-2009

Organizaciona jedinica	Klasifikaciona oznaka	Radni broj	Broj priloga
06	50	3614-2	-

REF. 12.12.2008.

VIJEĆE MINISTARA BIH
GENERALNO TAJNIŠTVO

PREDMET. Dostava podataka

Veza, Vaš akt, br: 06-50-3614/08 od 22.12.2008.

U Ministarstvu financija i trezora Bosne i Hercegovine po Ugovoru o djelu su angažirane četiri osobe i to: jedna osoba za poslove usluge oporavka i ažuriranja WEB stranice za potrebe Ministarstva, dvije osobe za poslove vezane za uspostavu i uređenje arhivske građe Ministarstva i jedna osoba za poslove lektoriranja svih pisanih materijala na jezike u službenoj uporabi u Bosni i Hercegovini.

S poštovanjem,


MINISTAR
Dragan Vrankić



MFA-BA-OPK

Broj: 09/1-21-34-20855

Sarajevo, 30.01.2009.godine

VRLO HITNO!

VIJEĆE MINISTARA BOSNE I HERCEGOVINE
Generalno tajništvo

PREDMET: Dostava podataka

Veza: Vaš akt broj 06-50-3614/2008 od 22.12.2008.godine.

BOSNA I HERCEGOVINA
VIJEĆE MINISTARA
SARAJEVO

PRIMLJENO: 03-02-2009			
Organizaciona jedinica	Klasifikaciona oznaka	Redni broj	Broj priloga
06	50	8614-8/	/

08. REF. AR. AR. 2008

U vezi upita poslanika gospodina Adema Huskića, vezano za ukupan broj lica koje su po osnovu ugovora o djelu angažovane u Ministarstvu vanjskih poslova BiH, dostavljamo Vam tražene podatke kako slijedi:

- U sjedištu MVP BiH, ukupan broj angažovanih lica koje rade po ugovoru o djelu je **33**.
- Ukupan broj lica koja su po osnovu ugovora o djelu angažovana u diplomatsko konzularnim predstavništvima BiH je **101**, od toga u Ambasadama BiH angažovano je 81 lice, u Misijama BiH 11 lica i u Generalnim konzulatima BiH 9 lica.

U sjedištu MVP-a, zbog povećanog obima poslova za privremene odnosno povremene poslove, u slučajevima kada se netko od uposlenika nalazi na bolovanju ili porodiljskom odsustvu, te u slučaju kada radno mjesto nije sistematizovano, MVP BiH koristi mogućnost angažovanja osoba po osnovu ugovora o djelu.

Ministarstvo vanjskih poslova angažuje lica za rad po osnovu ugovora o djelu u diplomatsko konzularnim predstavništvima BiH, iz razloga što je finansijski isplativije za Ministarstvo angažovati lokalnu osobu u zemlji prijema. Naime, prilikom angažovanja lica po osnovu ugovora o djelu, ministarstvo plaća samo ugovorenu cijenu rada, te nije dužno plaćati stan, doprinose, topli obrok i prijevoz. Također, kako se u DKP-u BiH uglavnom sva poslovna korespondencija vrši na jeziku zemlje prijema, iz tog razloga praktičnije i isplativije je za MVP BiH, za poslove tehničkog sekretara-korespondenta angažovati lokalnu osobu po osnovu ugovora o djelu koja govori jezik zemlje prijema. Također, angažovanja lokalnog osoblja u DKP BiH na poslovima vozača, mnogo je korisnije za DKP iz razloga što takvo lice mnogo bolje poznaje strukturu glavnog grada, gdje u većini svjetskih metropola (Peking, Moskva, Pariz, London, Vašington itd.), odlazak na posao i sa posla traje po nekoliko sati zbog gradskih gužvi, te se lokalno osoblje mnogo bolje snalazi koristeći u takvim situacijama „kratice“.

Shodno izloženom, smatramo da je u navedenim situacijama korisnije i isplativije za MVP BiH, angažovati lokalno osoblje po osnovu ugovora o djelu.

S poštovanjem,



PO OVLASTENJU MINISTRA

Boriša Arnaud, ministar savjetnik



PRIMLJENO:		05-02-2009	
Organizaciona jedinica	Klasifikaciona oznaka	Radni broj	Broj priloga
06	50	3614-9/	

Broj: 01-04-494/09
 Sarajevo, 4. februara 2009. godine

12.12.2008.

BOSNA I HERCEGOVINA
 VIJEĆE MINISTARA
 Generalni sekretarijat

PREDMET: Prijedlog odgovora na poslaničko pitanje, dostavlja se

Gospodin Adem Huskić, poslanik u Predstavničkom domu Parlamentarne skupštine Bosne i Hercegovine, na 41. sjednici Predstavničkog doma održanoj 3. decembra 2008. godine, postavio je poslaničko pitanje sljedeće sadržine:

“Koliko ukupno, po pojedinim ministarstvima u Vijeću ministara lica radi po ugovoru o djelu i koji su razlozi za ovakvu praksu?”

Ministarstvo za ljudska prava i izbjeglice BiH pripremiilo je prijedlog odgovora, te Vam u smislu člana 26. Poslovnika o radu Vijeća ministara BiH („Službeni glasnik BiH“ broj: 22/03) prijedlog odgovora dostavljamo u prilogu ovog akta, radi razmatranja i usvajanja.

S poštovanjem,



Gospodin Adem Huskić, poslanik u Predstavničkom domu Parlamentarne skupštine Bosne i Hercegovine, postavio je poslaničko pitanje sljedećeg sadržaja:

“Koliko ukupno po pojedinim ministarstvima u Vijeću ministara BiH, lica radi po ugovoru o djelu i koji su razlozi za ovakvu praksu?”

Na postavljeno poslaničko pitanje koje je upućeno svim ministarstvima, Ministarstvo za ljudska prava i izbjeglice BiH je utvrdilo sljedeći odgovor:

Polazeći od nadležnosti Ministarstva za ljudska prava i izbjeglice koja je utvrđena članom 12. Zakona o ministarstvima i drugim organima BH („Službeni glasnik BiH“ br: 5/03, 26/04 i 42/04) u kojima se navodi da je ovo ministarstvo zaduženo za različite oblasti, kao što su povratak izbjeglica i raseljenih osoba i stambena politika, ljudska prava, obnova razvoj i monitoring povratka, iseljništvo, ravnopravnost spolova, prava manjina i vjerskih zajednica i druge nadležnosti, česta je situacija da se one realizuju u okviru postojećih stručnih, tehničkih i finansijskih kapaciteta Ministarstva i uz podršku međunarodnih i nevladinih organizacija.

Ova vrsta pomoći realizira se na način da se Ministarstvu osiguraju finansijska sredstva namijenjena poboljšanju stručnih i tehničkih kapaciteta, edukaciji i jednim dijelom za angažiranje dodatnih stručnjaka na određeno vrijeme, a po osnovu ugovora o djelu na period potreban za realizaciju određenog projekta.

S obzirom na to da je trajanje navedenih projekata vremenski ograničeno, te da poslovi nisu sistematizirani Pravilnikom o unutrašnjoj organizaciji Ministarstva, nije moguće zasnivanje radnog odnosa na neodređeno ili na određeno vrijeme. U takvim situacijama zaključuju se ugovori o djelu na osnovu člana 600. Zakona o obligacionim odnosima i to dok traje implementacija projekta. U Ministarstvu za ljudska prava i izbjeglice BiH radi sljedeći broj osoba po ugovorima o djelu:

Ugovori o djelu iz budžetskih sredstava

-u četiri regionalna centra Ministarstva, koji su formirani na osnovu Zakona o izmjenama i dopunama zakona o izbjeglicama i raseljenim licima („Službeni glasnik BiH, broj. 33/03) i od kojih se po jedan nalazi u Sarajevu, Banja Luci, Mostaru i Tuzli ukupno po ugovorima o djelu radi 19 osoba na poslovima obnove i rekonstrukcije stambenih objekata i monitoringu održivog povratka izbjeglica i raseljenih osoba.

Ugovori o djelu iz udruženih sredstava (Budžet plus sredstva UNHCR-a)

- u Prihvatnom centru „Salakovac“ Mostar ukupno po ugovoru o djelu radi osam osoba koje pružaju usluge izbjeglicama koji nisu državljani BiH, a koji imaju privremenu dozvolu boravka u BiH.

Napominjemo da je pripremljen prijedlog Pravilnika o unutrašnjoj organizaciji Ministarstva, kojim je predviđeno povećanje broja zaposlenih u dijelu koji se odnosi na regionalne centre koji se finansiraju iz budžetskih sredstava, jer je povećan obim poslova na održivom povratku i na prihvatni centar koji se finansira iz udruženih sredstava (budžet + UNHCR).

Nakon usvajanja Pravilnika, regulisao bi se radni odnos za 19 sada angažovanih po ugovoru o djelu u regionalnim centrima i osam sada angažovanih po ugovoru o djelu u prihvatnom centru „Salakovac“ Mostar.

Ugovori o djelu bi se zaključivali za strana donatorska sredstva za realizaciju ekspertskih poslova ili drugih usluga koje zahtijeva donator koji finansira projekat.